

Ingingo ya 105:**1. Itara ritukura rishyirwa hejuru y'itara ry'icyatsi kibisi**

Iyo ikimenyetso gifite itara ry'umuhondo, iri rishyirwa hagati y'itara ritukura n'itara ry'icyatsi kibisi.

Amatara y'inyongera agizwe n'akarangacyerekezo k'ibara ry'icyatsi kibisi, ashwirwa muni cyangwa iruhande rw'itara ry'icyatsi kibisi.

2. Amatara akurikirana ku buryo bukurikira:

a) *Ku bimenyetso by'uburyo bw'amatara atatu*

Itara ry'umuhondo ryaka nyuma y'itara ry'icyatsi kibisi

Itara ritukura ryaka nyuma y'itara ry'umuhondo

Itara ry'icyatsi kibisi ryaka nyuma y'itara ritukura

c) *Ku bimenyetso by'uburyo bw'amatara abiri*

✓ **Itara ritukura n'itara ry'icyatsi kibisi azima akurikirana yabanje kwakirizwa rimwe.**

11. Ubuso bumurika bw'amatara bukoze n'uruziga rw'umurambararo wa santimetero 18 kugeza kuri santimetero 21 naho umurambararo ntarengwa ugeze kuri santimetero 5 ku matara y'inyongera yashyirweho abanyamaguru ku buhagarike ntarengwa bungana na metero imwe na santimetero 50.

Ingingo ya 106:

1. Ibimenyetso bimurika byerekana uburyo bwo kugendera mu muhanda kw'ibinyabiziga bishyirwa iburyo bw'umuhanda ukurikije icyerekezo abagenzi bireba baganamo.

Ariko, bishobora no gushyirwa ibumoso cyangwa hejuru y'umuhanda n'ahandi hose bitunganiye uburyo bwo kugenda mu muhanda kugirango birusheho kugaragara bneza.

12. Ibimenyetso bimurika byo kugendera mu muhanda biri mu buryo bw'amatara abiri bishobora gushyirwa hejuru y'ibisate by'umuhanda, bikavuga ibi bikurikira:

a) **Itara ritukura**, (ryitiriwe umusaraba wa mutagatifu Andereya) **risobanura ko kugenda kuri icyo gisate cy'umuhanda rigenga bibujijwe ku bayobozi bakigana;**

b) **Itara ry'icyatsi kibisi risa n'akarangacyerekezo gafite isonga ryerekeye hasi, risobanura ko kugenda ku gisate cy'umuhanda rigenga byemewe ku bayobozi bakigana.**

13. Ahantu uburyo bwo kugendera mu muhanda byerekanwa n'ibimenyetso bimurika, ibinyabiziga bishobora kuhagenda biteganye n'aho umubare wabyo utatuma biba ngombwa.

4.3.2. ICYICIRO CYA II: Ibimenyetso by'amatara amyatsa**Ingingo ya 107:**

1. Kugirango berekane ahantu habi cyane, hakoreshewa ikimenyetso cy'itara ry'umuhondo rimyatsa rivuga uburenganzira bwo gutambuka icyo kimenyetso barushijeho kwitonda.Iryo tara rigomba kugaragara n'ijoro no ku manywa, ntacyo rihindura ku mategeko agenga ugushyirwa mbere.

2. Iyo itara ry'umuhondo rimyatsa rikoreshejwe mu masangano y'amayira ahwanyije agaciro, rishyirwa kuri buri nzira cyangwa hagati y'amasangano ku buryo ribonwa n'umuyobozi wese ugiye kuyinjiramo.

3. Iyo itara ry'umuhondo rimyatsa riri ku kintu kimwe n'ibimenyetso bimurika byerekana uburyo bwo kugendera mu muhanda, cyangwa hafi yacyo, ntirishobora kwakira rimwe na byo.